



Inatsisartunut ilaasortaq
Jens NapâtôK', Naleraq
Inatsisartut@inatsisartut.gl

Avannaani qulimiguulimmik angallassineq pillugu § 37 naapertorlugu apeqquteqaammut akissut

Ulloq: 19-06-2025
Suliaq nr.: 2025 - 9651
Id. Nr. 97553453

Asasara Jens NapâtôK'

Inatsisartut suleriaasianni § 37 naapertorlugu Avannaani qulimiguulimmik angallassineq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1. Air Greenland avannaani qulimiguulinnik kiffartuussinera ajorluinnartoq piaartumik aaqqiifigineqarnissaa qinersivik sioqqullugu kingornalu aaqqiiffiginissaa annertuumik eqqartugaavoq, tamatumunnga aaqqiinissaq pillugu Naalakkersuisut qanoq pilersaaruteqarpat?

Akissut: Angallannikkut unammillernartut, matumani aamma Avannaani qulimiguulimmik angallassinermi unammillernartut, pingaartumik Upernaviup eqqaa annertuumik eqqugaanera ilanngullugu, Naalakkersuisut eqqumaffigisorujussuaat. Tamanna pillugu Air Greenland A/S qinnuigaara, unammillernartunut siunissamut qaninnerusumut, ungasinnerusumullu aaqqiissutaasinnaasunik siunnersuuteqaqqullugu.

Apeqqut 2. Avanersuarmut qulimiguulik Upernaviliiaanneqarluni inissiisoqarpoq taamaakkaluartorli aaqqiisoqarani angalaniarneq sivisoorsuannngortumik nunaqarfinnut ajorluinnartumik ilaasunut pisariaqanngilluinnartumik angalasussaasunut eqquisaarput, tamanna ullutsinni teknik-ertoqartuarnera ilumut akuerineqarsinnaava? Tamanna aaqqiiffiginiarniarpa?

Akissut: Akissuteqarnissamut Air Greenland A/S paasissutissanik ilassutininik aallerfigaarput. Ingerlatseqatigiiffiup paasissutissiissutigaa, qulimiguuliup tekniikkerneranik, silamillu patsiseqartumik Upernaviup eqqaani annertuumik unammillernartoqarsimasoq.

Piffissani sivisunerusuni innuttaasut angallanneqarnissaminnut periarfissaqannginnerat akuerineqarsinnaanngilaq. Taamaattumik aamma apeqqutip 1-ip akineqarnerani eqqaaneqartutut, suliniutinik misissuivunga.

Apeqquut 3. Uummannami angalasut eqqugaasaarnerat annertuvoq, sooruna Uummannamut nunaqarfiinullu angalasussat alaannarlugit qulimiguulik ilulissanut aallaannartinneqarsimasoq?

Akissut: Piffissamut, ullormulluunniit innersuussutitaqanngimmat apeqquut ajoraluartumik akineqarsinnaanngilaq. Taamaattumik apeqquut akineqarsinnaanngilaq, tak. Inatsisartut suleriaasianni § 37 imm. 2.


Apeqquut 4. Ukioq qaangiuttumi taamaatinnerit qassiuppat?

- a. Teknik-imut taamaatinnerit qassiuppat?**
- b. sila peqqutaalluni qassiuppat taamatullu**
- c. ukiumi nutaami 2025-imi taamaatitiserit maannamut qassiuppat?**

Akissut: Apeqquutit taakkua sisamat ataatsimut akineqarput. Akissuteqassagaanni sumiiffiit, angallaviillu suut paasissutissanik pissarsiffigerusunneqarnerisut nassuiaatitaqartariaqarmat, apeqquutit ajoraluartumik akineqarsinnaanngillat. Taamaattumik apeqquutit akineqarsinnaanngillat, tak. Inatsisartut suleriaasianni § 37 imm. 2.

Neriuppunga qulaani allaqqasuni apeqquuteqaatitit akineqartut.

Inussiarnersumik inuulluaqqusillunga



Aqqaluaq B. Egede